



Universitätsbibliothek Paderborn

Diplomatvm Belgicorvm Libri Dvo

Le Mire, Aubert

Brvxellis, 1627

91. Ioannes XXII. Papa suo diplomate declarat, Beginas Belgicas esse
immunes ac liberas ab erroribus Beginarum Alemanniae, quas Clemens V.
Papa paulò ante damnauerat. Idem de Beginis Antuerpiensibus ...

urn:nbn:de:hbz:466:1-10903

rias, varia olim fuit epocha seu ratio annos incohandi, quam barba-
rè Datam vocant.

Brabanti, Flandri, Leodicenses, Cameracenses & alij Belgæ, more Ecclesiæ Gallicanæ, annum à Paschate incohavunt, usque ad an. 1577. quo illa epochæ editio Regio est abrogata, & commodior introducta à Kalendis Ianuarijs. Veneti hodieque à Kalendis Martijs, & Legatus Auenionensis à die 25. Martij annum orditur.

Sigebertus Gemblacensis & Jacobus Meyerus à Paschate, Regi-
no Prumiensis à Christi incarnatione, Lambertus Scafburgensis
ab eiusdem nativitate auspicantur. Prolegomena nostra ad Sigeber-
ti eiusdem Chronicon, si plura voles, consule.

C A P V T X C I .

*Ioannes XXII. Papa suo diplomate declarat, Beghinas Belgicas esse
immunes ac liberas ab erroribus Beghinarum Alemanniae, quas*

*Clemens V. Papa paulò antè damnauerat. Idem de Be-
ghinis Antuerpiensibus testatur Petrus Came-
racensis Episcopus, an. 1323.*

VNIERSIS præsentis litteras inspecturis, Petrus miseratione di-
uina Cameracensis Episcopus, Commissarius & executor ad
infrascripta à Sede Apostolica deputatus, salutem in Domino sem-
piternam.

Noueritis nos litteras sanctissimi in Christo patris ac domini
nostrí, domini Ioannis diuina prouidentia Papæ XXII. vera Bulla
plumbea eiusdem domini Papæ, cum filo canapis bullatas, non
abolitas, non abrasas, non cancellatas, nec in aliqua sui parte vitia-
tas recepisse, sub his verbis:

*Ioannes, Episcopus seruus seruorum Dei, venerabili fratri Epi-
scopo Cameracensi salutem & Apostolicam benedictionem.*

Cum de his mulieribus, quæ Beghinæ vulgariter & communius
nuncupantur, felicis recordationis Clementi Papæ V. prædecessori
nostro, p̄cipue de Alemanniæ partibus, multa fuissent insinuata si-
nistra; præsertim quid earum aliquæ de summa Trinitate ac diuina
essentia disputare, ac etiam prædicare, circa articulos quoque fidei
& ecclesiastica Sacra menta, opiniones fidei eidem contrarias in-
troducere,

Introducere, multorumque simplicium animos in diuersos super his errores inducere; & alia multa pericula animarum parientia facere, sub fucato sanctitatis velamine, præsumebant:

Ex quibus, necnon & alijs de dictis mulieribus frequenter auditis, habens eas dictus prædecessor non indigna ratione suspectas, statum earum prohibendum duxit perpetuò, & à Dei Ecclesia penitus abolendum; in illas, quæ statum huiusmodi iam assumptum sectarentur vltterius, aut quæ de nouo illum assumerent, excommunicationis sententiam promulgando.

Cum autem ad Apostolatus nostri auditum relatio fide digna deduxerit, esse plurimas in iuis ciuitate & diœcesi huiusmodi mulieres, BEGHINAS simpliciter nuncupatas, quæ per virtutum odora menta currentes, honestè viuunt, deuotè frequentant ecclesias, Prælatis suis reuerenter obediunt, & se in præmissis disputationibus & erroribus non inuoluunt, nec suas, nec aliorum animas, per opiniones erroneas, ab Euangelica veritate degeneres, damnabili presumptione decipiunt;

Sed in sancta & solida simplicitate viuentes, aliquæ proprias, aliquæ parentum, aliquæ conductas, vel sibi communes & cum honesta familia domos inhabitant; aliquæ vero, rerum cogente defectu, simul in eisdem domibus & diuersis Beghinagijs, ad maiorem castitatis obseruantiam, commorantur.

Et quia hæ sic haetenus vixerunt laudabiliter, atque viuunt, quod nulla inquam super his fuit vel est suspicio, aut infamia contra ipsas; propterea fuit nobis, pro parte ipsarum, humiliter supplicatum, ut cum indignum sit innocentes cum nocentibus ad paria iudicari; fintque propterea, occasione huiusmodi, in dictis ciuitate & diœcesi, scandala grauia, dissensiones & odia, guerrarumque pericula suscitata; prouidere super his, per Apostolicæ Sedis prouidentiam, dignaremur.

Nos igitur indignum & rationi contrarium reputantes, si probas & reprobas similis censura percelleret; præmissis etiam scandalis, dissensionibus, odijs atque periculis obuiare volentes, Fraternitatitue, de qua plenam in Domino fiduciam gerimus, per Apostolica scripta mandamus;

Quatenus per te vel alium, de vita dictarum mulierum laudabiliter viuentium (ut præfertur) diligenter informatus, si repereris ita

Ita esse, non permittas eas, vel ipsarum aliquam, in personis & bonis earumdem, occasione prohibitionis & abolitionis huiusmodi (quousque de statu earumdem fuerit aliter per Sedem Apostolicam ordinatum) ab aliquibus molestari; molestatores, si qui fuerint, per censuram ecclesiasticam, appellatione postposita, compescendo.

Non obstante, si eis vel eorum aliquibus, communiter vel divisi, à Sede predicta sit indultum, quod interdici, suspendi, ve excommunicari non possint, per litteras dictae Sedis, non facientes plenam & expressam, ac de verbo ad verbum, de indulto huiusmodi mentionem.

Volumus autem quod predictas mulieres attente & accurate præmoneas, eisque districte præcipias, ne de huiusmodi disputationibus, contra huiusmodi predicti predecessoris nostri prohibitionis & abolitionis tenorem, se aliquatenus intromittant, sed in sanctis operibus persistentes, & proficientes temper de virtutibus in virtutes, mereantur retributionis æternæ præmium, quod non incohætibus, sed perseverantibus in consummatione præstatur.

Datum Auenione II. Kal. Ianuarij, pontificatus nostri an. quinto.

Quarum auctoritate & prætextu literarum, facta informatione diligenti, de vita & moribus mulierum, quæ Beghinæ vulgariter nuncupantur, & in Beghinagio extra villam Antuerpiensem dictæ nostræ dicensis commorantur, necnon de singulis in dicto Rescripto Apostolico contentis, per dilectum & fidelem Capellanum nostrum, dominum Ioannem de Alosto, Curatum ecclesiæ de Morselle, predictæ nostræ dicensis, cui quantum ad hoc, & alia infrascripta, vna cum discretis viris, dilectis nostris, ecclesiarum S. Gudilæ Bruxellensis & B. Mariæ Antuerpiensis, ac dictorum locorum Christianitatum Decanis, cum illa clausula: Quatenus vos, vel duo aut unus vestrum &c. commisimus vices nostras.

Et quia per informationem huiusmodi ritè factam inuenit, quod dictæ mulieres, in predicto loco commorantes, honeste & laudabiliter vixerunt, atque viuunt, deuotè frequentant ecclesias, Prælati suis reverenter obediunt, & quod se disputationibus & prædicacionibus de summa Trinitate ac diuina essentia non inuoluunt, nec involuerunt, nec etiam opiniones Catholicæ fidei contrarias aliquatenus seminare præsumunt, nec haetenus præsumperunt; quod nulla vñquam super his fuit, vel est suspicio vel infamia contra ipsas;

C c

Dictus

Dictus Commissarius noster, virtute commissionis prædictæ, voluit & ordinauit, quod eadem mulieres in statu pacifico & quieto, prout alias consueuerunt, Domino famulari permittantur, & quod sub obedientia Magistrarum, per ipsum Commissarium ibidem institutarum, in habitu grisio, humili & honesto remaneant, & remanere valeant, absque molestatione aliqua eis, seu alicui earum, occasione prohibitionis & abolitionis prædictarum, ab aliquibus in personis & in bonis inferenda, secundum dictarum litterarum Apostolicarum continentiam & tenorem.

Nos verò præmissa, per dictum Commissarium nostrum facta, ratificamus, approbamus, & auctoritate, qua in hac parte fungimur, confirmamus, volentes ea firmiter & fideliter obseruari.

Quare vobis omnibus & singulis Abbatibus, Prioribus, Præpositis, Decanis, Presbyteris & Capellanis, in nostris ciuitate & dicēcesi prædictis constitutis, ad quos præsentes litteræ peruererint, districte præcipimus & mandamus, quatenus omnes & singulos molestatores & rebelles, si qui fuerint in præmissis, cuiuscumque status vel conditionis existant, qui dictas mulieres molestauerint, inquietauerint, vel impedierint, moneatis canonice, ut ab eiusmodi molestatione, inquietatione & impeditione cesserent penitus & desistant.

Alioquin ipsos, si fuerint presbyteri, suspendatis à diuinis, & si dictam suspensionem per sex dies in se sustinuerint, ipsos excommunicetis. Si verò clericu fuerint sive laici, & dictæ monitioni non paruerint cum effectu, ipsos excommunicetis, & excommunicatos publicè nuntietis; & si quid inde feceritis, nomina monitorum, suspensorum, & excommunicatorum (si qui fuerint) nobis liquide reſcribat. In his verò exequendis unus vestrūm alium vel alios non exspectet.

In cuius rei testimonium præsentes litteras, per nostrum Notarium infrascriptum, fieri fecimus, & sigilli nostri munimine corroborari.

E 323. Actum & datum apud *Castellum* in Cameracisio, anno Domini millesimo trecentesimo vigesimo tertio, Indictione septima, mensis Februarij vigesima tertia die, Pontificatus sanctissimi in Christo patris ac domini nostri domini Ioannis diuina prouidentia Papæ XXII, anno octauo:

Præfex-

Præsentibus venerabilibus viris, domino Rogerio Melleri, Archidiacono Constantiensi, domino Ioanne de Aloito, Curato ecclesiæ de Morselle, Cameracensis, Leonardo de S. Nicolao, Beluacensis, & Gerardo Pestel, Cameracensis diœcesis clericis, testibus ad præmissa vocatis specialiter & rogatis.

Et ego Ægidius Canelz, de Castello in Cameracecio, Cameracensis diœcesis, Apostolica & Imperiali auctoritate publicus tabellio, præmissis actis, dictis & ordinatis, per præfatum reuerendum dominum Cameracensem Episcopum, ut præfertur, vñà cum testibus suprascriptis, præsens interfui; præsentes litteras, de mandato ipsius, per alium scribi feci, hic me subscripsi, & signum meum, vñà cum appensione sigilli ipsius reuerendi Patris, rogatus apposui consuetum.

N O T A T I O .

B E G H I N A R V M) hoc est, virginum ac viduarum simul in Beghinagejs, absque votis monasticis, piè casteque viuentium, plurimæ in Brabantia, Flandria, diœcesi Leodicensi, ac vicinis ditionibus hodieque sunt congregations. Alunt autem familiam singulæ, aut viuunt binæ, ternæ, aut plures iisdem in eisdem, cum singulari morum ac puditiciæ integritate. Ut meritò Castus orbis Germania nostra inferior ab exteris nuncupetur.

Nomen habent Beghinæ à S. BEGGA Abbatissa Andennenfi in diœcesi Namurcensi, fundatrice collegij nobilium virginum Canonicarum ibidem; aut à L A M B E R T O B E G H I O , pio sacerdote Leodicensi. Quibus de rebus fusiùs egimus in Chronico nostro Cisterciensi, Coloniae edito.

C A P V T X C I I .

Otho dominus de Cuyck, accepta nummorum summa, Graniam, opidum Mose adsitum, Ivanni III. Brabantæ Ducitradit, & post

Otho idem opidum in feudum ab eodem Duce
accipit, anno 1323.

N Os OTHO, dominus de Cuyck & Henerlè, notum facimus uniusversis, tam præsentibus quam futuris,

Cc 2

Quod